

Broj: 18-07-2-18/15

Datum: 25.3.2015.

U skladu sa Zakonom o naučno-istraživačkoj djelatnosti (Službene novine KS, broj:10/04) i članom 50. Pravila Instituta za islamsku tradiciju Bošnjaka i članom 13. Pravilnika o izboru u naučna i istraživačka zvanja Instituta za islamsku tradiciju Bošnjaka, na osnovu odluke Upravnog odbora Instituta za Islamsku tradiciju Bošnjaka na sjednici održanoj 9.3.2015., raspisuje se

KONKURS

za izbor u istraživačka i naučna zvanja
osoblja Instituta za islamsku tradiciju Bošnjaka

1. **Naučni saradnik**
2. **Viši stručni saradnik**

U skladu sa Pravilnikom o izboru u naučna i istraživačka zvanja Instituta za islamsku tradiciju Bošnjaka minimalni uslovi za navedene pozicije su kako slijedi:

1. **Za naučnog saradnika** može biti izabrano lice koje ima naučni stepen doktora nauka iz naučne oblasti koja je predmetno vezana za područje rada Instituta i najmanje jedan rad publiciran u časopisu ili zborniku iz područja rada Instituta koji prati relevantna međunarodna baza podataka i/ili objavljen u časopisu sa međunarodnom recenzijom. Izbor u zvanje naučnog saradnika vrši se na period od pet godina.
2. **Za višeg stručnog saradnika** može biti izabrano lice koje ima završen drugi ciklus studija, tj. posjeduje naučni stepen magistra nauka odnosno magistra struke ili prihvaćenu temu doktorske disertacije sa najmanjom prosječnom ocjenom 8 ili 3,5 na prvom i/ili drugom ciklusu studija. Izbor u zvanje višeg stručnog saradnika vrši se na period od četiri godine.

Pored općih uvjeta predviđenih Zakonom o radu, kandidati trebaju ispunjavati uvjete predviđene Zakonom o naučnoistraživačkom radu Kantona Sarajevo i Pravilnikom o izboru u naučna i istraživačka zvanja Instituta za islamsku tradiciju Bošnjaka.

Prijava treba sadržavati sljedeće:

- biografija sa bibliografijom
- diploma o naučnom stepenu doktora nauka, original ili ovjerena kopija (za poziciju pod rednim brojem 1.)
- diploma o naučnom stepenu magistra ili dokaz o prihvaćenom temi doktorske disertacije, original ili ovjerena kopija (za poziciju pod rednim brojem 2.)
- uvjerenje o prosjeku ocjena na prvom i/ili drugom ciklusu studija (za poziciju pod rednim brojem 2.)
- odluku o prethodnom izboru u zvanje na nekoj od domaćih ili stranih visokoškolskih ili naučnoistraživačkih ustanova (ukoliko postoji)
- izvod iz matične knjige rođenih, original ili ovjerena kopija,
- uvjerenje o državljanstvu, original ili ovjerena kopija,
- uvjerenje o nevođenju krivičnog postupka, original ili ovjerena kopija ne starije od tri (3) mjeseca.

Prema Pravilniku o izboru u naučna i istraživačka zvanja Instituta za islamsku tradiciju Bošnjaka rok za podnošenje prijave na konkurs je 15 dana, računajući od dana njegovog objavljivanja. Nepotpune i neblagovremene prijave neće se razmatrati. Adresa za prijem prijava: Institut za islamsku tradiciju Bošnjaka, Prijava na konkurs za izbor u istraživačka i naučna zvanja, Gazi Husrev-begova 56A, 71000 Sarajevo.